

2026 NAPLAN

Pojedinačni izvještaj o učeniku

Informacije za roditelje i staratelje



NAPLAN je nacionalna procjena pismenosti i računanja koju poduzimaju učenici 3., 5., 7. i 9. razreda. To je jedina nacionalna procjena koju poduzimaju sva australijska djeca. Vještine pismenosti i računanja predstavljaju ključnu osnovu za svako učenje, kao i za sposobnost djelotvornog sudjelovanja u društvu. Pitanja u okviru NAPLAN-a procjenjuju sadržaj koji je usklađen s australijskim nastavnim planom iz engleskog jezika i matematike.

NAPLAN testovi su samo jedan aspekt procesa ocjenjivanja i izvještavanja svake škole. Pošto se održavaju samo jednom u 2 (dvije) godine za svakog učenika, oni ne mogu zamijeniti opsežne, stalne ocjene nastavnika o uspjehu učenika. Učitelj vašeg djeteta će imati najbolji uvid u obrazovni napredak vašeg djeteta. Zajedno sa ostalim izvještajima o školskim ocjenama, NAPLAN pojedinačni izvještaji o učeniku mogu se koristiti za razgovor s učiteljem o napretku vašeg djeteta.

Kako NAPLAN ocjenjuje učenike?

NAPLAN testovi se dostavljaju putem interneta školama širom Australije u martu svake godine. Online procjena postavlja pitanja prilagođena odgovorima individualnog učenika, pružajući preciznije rezultate i zanimljivo iskustvo testiranja za učenike.

Pitanja u NAPLAN-u se uglavnom zasnivaju na znanju i vještinama iz pismenosti i matematike koje su učenici stekli u prethodnim godinama školovanja. Nekoliko pitanja procjenjuje sadržaj iz godine testiranja i sljedeće godine. Ova pitanja su osmišljena tako da se na njih može odgovoriti pomoću strategija koje su učenici naučili prethodnih godina. Ovo osigurava da učenici svih sposobnosti mogu pokazati šta znaju i mogu uraditi.

Detaljne informacije o znanju i vještinama koje se mjere u NAPLAN-u dostupne su na www.nap.edu.au.

Standardi znanja

Rezultati NAPLAN-a se prikazuju u odnosu na standarde znanja koji pružaju jasne informacije o uspjehu učenika. Standardi znanja su postavljeni na izazovnom, ali razumnoj nivou koji se očekuje od učenika u vrijeme NAPLAN testiranja, a temelje se uglavnom na gradivu koje se podučavalo u prethodnim godinama školovanja.

Standardi znanja uključuju 4 nivoa:

- **Izvanredan:** Rezultati učenika u vrijeme testiranja nadmašuju očekivanja.
- **Solidan:** Rezultati učenika u vrijeme testiranja ispunjavaju izazovna, ali razumna očekivanja.
- **U razvoju:** Rezultati učenika u vrijeme testiranja ukazuju na to da je na putu da dostigne očekivanja.
- **Potrebna dodatna pomoć:** Rezultati učenika u vrijeme testiranja ukazuju na to da ne postižu očekivane rezultate u učenju. Vjerovatno će im trebati dodatna podrška da bi uspješno napredovali.

Stranica 4 (četiri) pojedinačnog izvještaja o učeniku pruža detaljniji rezime o tome šta učenici znaju i mogu da urade u okviru svakog nivoa znanja. Dodatne informacije su dostupne na www.nap.edu.au.

Kako su određeni nivoi znanja?

Komisije stručnih nastavnika identifikovali su nivoe znanja prema očekivanjima od učenja za svaku oblast ocjenjivanja i svaki razred. Obezbiđen je, takođe, input roditelja i staratelja izvještajima o učenicima putem fokusnih grupa i nacionalnih roditeljskih organizacija.

Čitanje NAPLAN izvještaja

Izvještaj NAPLAN-a prikazuje skalu znanja za svaku oblast provjere (računanje, čitanje, pisanje, pravopis i gramatika, te interpunkcija) s rezultatom učenika predstavljenim crnom tačkom na skali.

Izvještaj prikazuje uspjeh svakog učenika u odnosu na nacionalni prosjek za njihov razred (prikazano kao crni trokut) i raspon uspjeha srednjih 60% učenika iz istih razreda (prikazano kao svijetlo osjenčeni pravougaonik).

NAPLAN je vrijedan alat koji može dati koristan uvid u uspjeh učenika, ali pojedinačne izvještaje treba pažljivo tumačiti jer odražavaju uspjeh učenika na dan testiranja, a ne kao sveobuhvatna mjera njihovog cjelokupnog obrazovanja. Ovo je važno imati na umu pri interpretaciji rezultata iz 2026. godine, budući da su neki učenici tokom online testa iz pisanja imali prekide uzrokovane problemima s internet konekcijom. Nastavnik vašeg djeteta najbolje je upoznat s njegovim ili njenim obrazovnim napretkom.

Šta ako izvještaj mog djeteta kaže da je test polagan na papiru?

Iako je NAPLAN online test, postoji mali broj okolnosti pod kojima učenici mogu završiti testove na papiru. Ovo uključuje kada:

- škole koriste priznati alternativni nastavni plan i program
- učenicima je potreban test na papiru iz razloga pristupačnosti

Učenici 3. razreda uvijek polažu pismeni ispit na papiru.

Mogu li uporediti uspjeh svog djeteta s prethodnim NAPLAN izvještajem?

Rezultati iz 2023. godine nadalje ne mogu se direktno porediti sa rezultatima postignutim od 2008. do 2022. godine. To je zato što je s novim standardima uvedena nova mjerna skala koja je prikladnija za online testove, te zato što je testiranje prebačeno iz 2. (drugog) u 1. (prvo) tromjesečje.

Učenici 5., 7. i 9. razreda su sada završili 2 ciklusa NAPLAN-a prema novom aranžmanu izvještavanja. To znači da roditelji i staratelji mogu koristiti pojedinačne izvještaje učenika, koje su dobili 2024. i 2026. godine, da uporede nivoe znanja svog djeteta.

Rezultati učenika u odnosu na nacionalni prosjek i na srednjih 60% učenika, mogu se, takođe, uporediti između 2024. i 2026. godine.

Kako učenici prolaze iz godine u godinu NAPLAN testiranja, vještine i razumijevanje potrebni za postizanje svakog nivoa znanja postaju sve zahtjevniji. Učenik koji postigne isti nivo znanja u uzastopnim razredima, kao što su 3. i 5. razred, možda još uvijek napreduje.

Kako NAPLAN pomaže mom djetetu?

NAPLAN omogućava roditeljima i starateljima da razmotre uspjeh njihovog djeteta u pismenosti i matematici u odnosu na nacionalne standarde. Uspjeh vašeg djeteta može se uporediti sa nacionalnim prosjekom svih učenika istog razreda i u odnosu na nivoe znanja.

Rezultati mogu pomoći roditeljima, starateljima i učenicima da sa nastavnicima razgovaraju o individualnom napretku učenika.

Šta ovi rezultati znače za budućnost mog djeteta?

Rezultati NAPLAN-a pružaju važne informacije o vještinama pismenosti i računanja koje vaše dijete uči u okviru školskog programa. Rezultati nadopunjuju druge procjene koje vaše dijete obavlja u školi, te vama i nastavnicima vašeg djeteta pružaju uvid o postignućima vašeg djeteta u vrijeme testiranja. Ove informacije se mogu koristiti za pružanje podrške vašem djetetu da postigne najbolje moguće rezultate.

Neke škole mogu u sklopu procesa upisa učenika pored školskih svjedočanstava, tražiti NAPLAN izvještaje. NAPLAN nije dizajniran da bude prijemni ispit za upis u školu. Ipak, njegovi rezultati mogu biti korisni za informisanje nove škole o akademskim potrebama učenika.

Kako NAPLAN pomaže školi mog djeteta?

NAPLAN je jedina nacionalna procjena koju poduzimaju svi australijski učenici. Pomaže:

- nastavnicima da identifikuju učenike kojima su potrebni veći izazovi ili dodatna podrška
- školama da identifikuju ono što je dobro, a koje oblasti treba poboljšati u nastavnim programima
- školama da postave ciljeve u pismenosti i računanju
- školskim sistemima da izvrše reviziju programa i podrške koja se nudi školama.

NAPLAN također pruža nacionalno uporedive podatke koji pomažu vladama da provjere kako funkcionišu obrazovni programi i da li učenici zadovoljavaju važne standarde pismenosti i računanja.

Ko će još vidjeti rezultate?

Svake godine, nadležni organi za sprovođenje testiranja daju školama rezultate svih učenika koji polažu NAPLAN. Školama se savjetuje da ove rezultate koriste kako bi potkrijepili planiranje poboljšanja u cijeloj školi.

Pojedinačni izvještaji o učenicima su povjerljivi. Niko osim vašeg lokalnog tijela za sprovođenje testiranja i osoblja u školi vašeg djeteta neće vidjeti izvještaj o vašem djetetu.

Prosječni školski rezultati se javno objavljuju na My School na stranici www.myschool.edu.au. Web stranica će biti ažurirana pri kraju godine sa rezultatima za svaki razred. Individualni rezultati vašeg djeteta nisu dostupni na My School.